

Y Bwrdd Rheoli Management Board

**Cofnodion y cyfarfod a gynhaliwyd ar 16 Ionawr
2014**

09.00 - 10.30, Ystafell Gynadledda 4B

Yn bresennol:

**Claire Clancy (Prif Weithredwr a Chlerc) (Cadeirydd)
Adrian Crompton (Cyfarwyddwr Busnes y Cynulliad)
Elisabeth Jones (Cyfarwyddwr y Gwasanaethau Cyfreithiol)
Steven O'Donoghue (Pennaeth Adnoddau'r Cynulliad)
Mair Parry-Jones (Pennaeth y Gwasanaeth Cyfieithu a Chofnodi)
Kathryn Potter (Pennaeth y Gwasanaeth Ymchwil)
Mike Snook (Pennaeth Pobl a Lleoedd)
Craig Stephenson (Pennaeth y Gwasanaeth Cymorth i'r Comisiwn
ac i'r Aelodau)
Dave Tosh (Cyfarwyddwr TGCh)
Chris Warner (Pennaeth Gwasanaeth y Pwyllgorau Polisi a
Deddfwriaeth)
Liz Jardine (Ysgrifenyddiaeth)**

1.0 Cyflwyniadau ac ymddiheuriadau

**1.1 Cafwyd ymddiheuriadau gan Anna Daniel (Pennaeth
Trawsnewid Strategol), Gareth Price (Pennaeth Dros Dro
Cyfathrebu) a Sian Wilkins (Pennaeth Gwasanaeth y Siambr a
Phwyllgorau).**

1.2 Nid oedd buddiannau i'w datgan.

2.0 Cyfathrebu â staff

**2.1 Cytunodd Mair Parry-Jones i ddrafftio nodyn ynghylch
trafodaethau'r Bwrdd Rheoli ar gyfer y dudalen newyddion.**

3.0 Cofnodion y cyfarfod a gynhaliwyd ar 12 Rhagfyr 2013.

3.1 Cytunwyd bod y cofnodion yn gywir.

- 4.0 Y wybodaeth ddiweddaraf am Strategaeth Cyfarwyddiaeth y Gwasanaethau Cyfreithiol**
- 4.1 Cyflwynodd Elisabeth Jones y wybodaeth ddiweddaraf am y cynnydd ar sail y Strategaeth Gwasanaethau Cyfreithiol a drafodwyd gyda'r Comisiwn ym mis Mehefin 2013. Byddai hyn yn cael ei gyflwyno i'r Comisiwn yn ei gyfarfod ar 30 Ionawr.**
- 4.2 Roedd y wybodaeth ddiweddaraf yn cynnwys: drafftio biliau nad ydynt yn rhai'r Llywodraeth ac opsiynau ar gyfer hyfforddiant mewn drafftio; y cynnydd o ran archwilio a oedd angen ehangu'r ddarpariaeth fewnol ar gyfer gwaith cyfreithiol corfforaethol a masnachol, neu ofyniad nas diwallwyd am gyngor cyfreithiol; a chynllun ar gyfer mynd i'r afael â heriau a all godi cyn diwedd y Pedwerydd Cynulliad.**
- 4.3 Mae'r trefniant gyda Daniel Greenberg ar gyfer rhoi goruchwyliaeth a hyfforddiant mewn drafftio deddfwriaeth yn gweithio'n dda ac yn ateb y galw presennol, ond roedd peth risg yn gysylltiedig â dibynnu ar un ffynhonnell o arbenigedd. Trafododd y Bwrdd Rheoli yr opsiynau ar gyfer datblygu sgiliau drafftio'r tîm a'r anawsterau o ran recriwtio drafftwyr medrus gyda galluedd dwyieithog. Rhagwelwyd y byddai gostyngiad yn y galw tua diwedd y Pedwerydd Cynulliad a fyddai'n gyfle i ganolbwyntio mwy ar hyfforddiant - gofynnodd y Bwrdd i Elisabeth dynnu sylw at hyn yn y wybodaeth ddiweddaraf i'r Comisiynwyr.**
- 4.4 Fel pwynt cysylltiedig, soniwyd am y defnydd o'r feddalwedd ar gyfer deddfwriaeth, a'r defnydd ohoni yn y dyfodol, a chytunodd Claire Clancy i godi hyn gyda'r Comisiynwyr yn eu cyfarfod.**
- 4.5 Cam i'w gymryd: Chris Warner i ddarparu nodyn byr yn rhoi'r wybodaeth ddiweddaraf ynghylch y feddalwedd ar gyfer deddfwriaeth cyn cyfarfod y Comisiwn.**
- 5.0 Adroddiad ar Berfformiad Corfforaethol**
- 5.1 Ymunodd Lisa Bowkett (Cyfrifydd Rheoli, Gwasanaethau Ariannol) â'r cyfarfod ar gyfer y drafodaeth ynghylch yr Adroddiad ar Berfformiad Corfforaethol, a diolchodd y Bwrdd i**

Lisa am lunio dau fformat dewisol er gwaethaf yr amserlen dynn iawn.

- 5.2 Dewisodd y Bwrdd Rheoli fformat dwy golofn, a oedd yn dangos y gymhariaeth â chanlyniadau a adroddwyd yn flaenorol ac yn tynnu sylw at drywydd y dangosyddion perfformiad.**
- 5.3 Dylai'r naratif byr a ddarperir ar gyfer pob Dangosydd Perfformiad Allweddol (DPA) wella tryloywder ac, yn benodol, dylai egluro'r rheswm am unrhyw newid yn y perfformiad a'r camau sydd eu hangen i fynd i'r afael â hynny.**
- 5.4 Byddai'r adroddiad yn cael ei gyflwyno i'r Comisiwn yn ei gyfarfod ar 30 Ionawr, a chytunwyd y dylai'r papur esboniadol amlygu dwy neu dair elfen benodol o'r adroddiad DPA. Fodd bynnag, mae'n rhaid i'r adroddiad fod yn ddealladwy ar ei ben ei hun fel adroddiad a gyhoeddir.**
- 5.5 Nodwyd na fyddai'r adroddiad DPA nesaf yn barod mewn pryd ar gyfer cyfarfod olaf y Comisiwn am y flwyddyn.**
- 5.6 Camau i'w cymryd:**
 - Aelodau'r bwrdd i adolygu'r golofn sylwadau a chynnig unrhyw welliannau i Lisa erbyn diwedd y dydd ar 21 Ionawr.**
 - Mike Snook, Steven O'Donoghue a Dave Tosh i archwilio sut i gyfleu'r prosiect Adnoddau Dynol/Cyflogres o fewn y Dangosyddion Perfformiad Allweddol.**
 - Steven O'Donoghue i lunio cynllun ar gyfer ymdrin â'r adolygiad, a chytuno ar adroddiadau'r dyfodol, lle mae'r amserlen ar gyfer eu paratoi yn dynn.**
- 6.0 Y Wybodaeth Ddiweddaraf am Risgiau Corfforaethol**
- 6.1 Adolygodd y Bwrdd Rheoli'r matrices Risgiau Corfforaethol, a oedd yn dangos pa mor debygol oedd y risgiau ac effaith y dull presennol o weithredu, a oedd yn wahanol i'w dull arferol o adolygu'r tabl risg.**

- 6.2 Trafododd y Bwrdd a oedd risgiau yn ymwneud â newid cyfansoddiadol ar y gorwel, a chytunwyd bod hyn bellach wedi'i gwmpasu drwy sefydlu'r tîm Trawsnewid Strategol. Felly, nid oedd ei angen ar y gofrestr ar hyn o bryd.
- 6.3 Penderfynwyd mai'r unig bwnc trafod mewn cyfarfod o'r Bwrdd yn y dyfodol fyddai adolygiad o brosiect y Pedwerydd Cynulliad a'r trafodaethau cychwynnol ynghylch y paratodau ar gyfer y Pumed Cynulliad (gyda Kathryn Potter yn cyflwyno crynodeb o'r gwersi a ddysgwyd o'r broses o drosglwyddo i'r Pedwerydd Cynulliad), ond na fyddai'n cael ei ychwanegu at y gofrestr fel risg.
- 6.4 Cytunwyd y gallai'r risg o ran capasiti corfforaethol gael ei dynnu oddi ar y gofrestr.
- 6.5 Camau i'w cymryd:
- 6.6 Dave Tosh, Steven O'Donoghue a Kathryn Hughes (Rheolwr Risg a Llywodraethu) i ystyried sut i roi dull cytbwys ar waith er mwyn i'r Bwrdd adolygu risgiau'n effeithiol, a ddylid adolygu dim ond y rhai sydd wedi newid, ac a fyddai'r matrices yn ddigonol.
- 6.7 Kathryn Hughes i wirio gyda'r perchnogion risg bod y penderfyniadau i symud risgiau ar y matrices yn gywir.
- 6.8 Claire Clancy, Adrian Crompton, Kathryn Hughes a John Chick (Pennaeth Cymorth Busnes i'r Aelodau) i gyfarfod i ystyried y risg sy'n ymwneud â'r Bwrdd Taliadau.

7.0 Adroddiad Misol ar Reoli Cyllid

- 7.1 Dywedodd Steven O'Donoghue bod y Cynulliad ar y trywydd iawn i gyrraedd y targedau ar ddiwedd y flwyddyn, ond bod y cyfnod hyd at ddiwedd y flwyddyn ariannol yn hollbwysig o ran sicrhau bod y rhagolygon yn gywir ac yn gyfredol. Dylai'r rheolwyr cyllideb fod yn gwbl ymwybodol o'u rhwymedigaethau a'u gofynion cyllidebol a rhoi gwybod i'r Gwasanaethau Cyllid am unrhyw risg o newid cyn gynted ag y bo modd.
- 7.2 Yn ogystal, byddai ystyriaeth yn cael ei rhoi i unrhyw gynigion i ddwyn prosiectau ymlaen i'r flwyddyn ariannol gyfredol.

8.0 Y wybodaeth ddiweddaraf am y Bwrdd Buddsoddi

- 8.1 Yn ei gyfarfod diwethaf ar 9 Ionawr, cytunodd y Bwrdd Buddsoddi ar gais am gyllid ychwanegol ar gyfer y cynllun seilwaith TGCh yn y dyfodol gyda'r gost yn cael ei chyllido o'r tanwariant a ragwelir yn y gyllideb Pontio TGCh. Mae hefyd wedi cytuno ar estyniad i swydd y Rheolwr Prosiect Cyfieithu Peiranyddol tan ddiwedd mis Mawrth 2014.**
- 8.2 Roedd y contract ar gyfer adnewyddu'r gwasanaethau cyfreithiol ar-lein i fod i ddod i ben ym mis Tachwedd 2014. Roedd y Bwrdd yn fodlon bwrw ymlaen â'r broses dendro ac awgrymodd, os oes opsiynau i wella capasiti a gallu'r cynnyrch, y dylai hyn gael ei ystyried. Hefyd, cafodd y Bwrdd y wybodaeth ddiweddaraf am statws cyfredol cofrestr gontractau'r Cynulliad. Cafwyd trafodaeth ynghylch y contract Darlledu.**

Cloi'r cyfarfod

9.0 Unrhyw fater arall

- 9.1 Dywedodd Mike Snook wrth y Bwrdd bod camgymeriadau wedi codi mewn nifer o daliadau cyflog i staff cymorth Aelodau'r Cynulliad, nad oedd yn ymwneud â'r system Adnoddau Dynol/Cyflogres newydd. Cynhaliwyd ymarfer manwl gan Adnoddau Dynol i sicrhau bod unrhyw gamgymeriadau pellach yn cael eu nodi a'u cywiro.**
- 9.2 Roedd Craig Stephenson yn falch o roi gwybod i'r Bwrdd fod canlyniadau diweddaraf 100 Cyflogwr Gorau Stonewall ar gyfer y gweithleoedd mwyaf hoyw-gyfeillgar ym Mhrydain, yn rhoi'r Cynulliad yn gydradd 11 yn y DU, a'r cyflogwr sector cyhoeddus gorau yng Nghymru.**
- 9.3 Roedd cyfarfod ychwanegol o'r Bwrdd Rheoli wedi'i drefnu ar gyfer 20 Ionawr i drafod canlyniadau'r arolwg Omnibws a fyddai'n cael ei gyflwyno i'r Comisiwn ar 30 Ionawr.**